



TIV THAIV KOJTSEV NEEG NTAWM CARBON MONOXIDE

Cov kauj ruam uas yooj yim yuav cawm tau ib txoj sia!

TIV THAIV KEV LOM

- **Nco ntsoov xyuas kom koj muaj cov cuab yeej uas kauj tau hais tias muaj carbon monoxide uas ua hauj lwm.** Txhua lub tsev nyob hauv Wisconsin yuav tsum nruab cov cuab yeej kauj tau cov carbon monoxide no nyob rau txhua theem, nrog rau lub qab daus, tab sis tsis yog saum nthab los yog chaw rau khoom. Cov cuab yeej no koj mus yuav tau nyob ntawm cov khw muag khoom cuab yeej siv (hardware stores) feem ntau tus nqi li ntawm \$20-\$50. Koj yuav tau hloov cov roj teeb ib xyoos ob zaug; peb pom zoo tias koj hloov cov roj teeb thaum koj tig lub moos rau lub sij hawm Daylight Savings Time. Hloov lub cuab yeej kauj tau hais tias muaj carbon monoxide tom qab tsib lub xyoos los yog ua raws li lub tuam txhab tsim yam cuab yeej no cov lus qhia.
- **Tshuaj xyuas koj lub qhov cub rhaub cua sov (furnace) los yog lub qhov cub raub taws txhua xyoos.** Them nyiaj rau ib tus kws tshaj lij uas paub zoo txog tej no tuaj tshuaj xyuas kom paub tseeb tias nws ua hauj lwm thiab tawm cua zoo mus rau sab nraum lub tsev.
- **Tsis yoom siv ib lub tshuab ua kom muaj cua sov (heater) uas siv roj gasoline los yog propane los yog ib lub qhov cub ci nqaij (siv roj los yog thee) nyob sab hauv koj lub tsev.** Txhua hom cuab yeej ua kom muaj cua sov uas noj roj mas yeej ua rau muaj cov carbon monoxide. Siv ib lub cuab yeej kauj tau hais tias muaj carbon monoxide uas rau roj teeb rau ntawm qhov chaw uas koj siv roj rau cov cuab yeej tab sis tsis muaj lub qhov fais fab los ntsia, xws li cov tsev ntaub (tents), cov me nyuam tsev txawb saum dej khov, cov txaj dai saum ntoo, cov me nyuam tsev xov ntoo nyob tom hav zoov, cov me nyuam tsev txawb txuas tom qab rau lub tsheb cab (trailers), thiab cov nkoj uas muaj phab ntsa thaiv. Tsis yoom siv lub qhov cub rau cov roj gas los yog lub oven los ua kom koj lub tsev sov.
- **Tsis yoom cia tsheb tsis muab lub cav tuav thaum nyob hauv ib qho chaw uas kaw ntom nti.** Tab txawm muaj ib lub qhov rooj los yog qhov rai qhib los, cov theem carbon monoxide yuav nce siab mus txog theem uas ua rau muaj kev phom sij.
- **Nco ntsoov qhib cov tshuab tsim hluav taws xob (generators) nyob rau sab nraum zoov nkaus xwb.** Tsis yoom siv ib lub tshuab tsim hluav taws xob nyob sab hauv tsev los yog tsev rau tsheb, los yog ze ntawm cov qhov rai, cov qhov cua tawm, los yog qhov rooj. Muab cov tshuab no tso kom deb tsawg kawg 20 feet ntawm koj lub tsev, camper, tsev ntaub, thiab lwm yam, thiab muab yav tso tawm cov pa (exhaust hoses) tig mus kom deb ntawm cov neeg thiab lwm yam uas muaj phab ntsa thaiv

CARBON MONOXIDE YOG DAB TSI?

Carbon monoxide yog ib yam roj (gas) uas yus ntsia tsis pom los yog tsis hnov tsw tus ntxhiab thiab nws tsim muaj thaum cov roj (fuels)—xws li gas, kerosene, propane los yog taws rauv (wood)—kub hnyiab.

Nws yog ib hom tshuaj lom tuag uas kheev pom muaj ntau tshaj plaws.

PAUB TXOG COV CIM THIAB COV TSOS MOB THAUM RAUG LOM

- Cov tsos mob los ntawm qhov raug cov carbon monoxide lom muaj xws li mob taub hau, nkees, ua tsis taus pa, xeev siab, thiab ua fem feeb.
- Yog thaum cov theem carbon monoxide siab dhau lawm, yuav ua rau tuag taus li ob peb feeb.

NRHIAV KEV TAWM TAM SID

- Tawm mus kom tau cua tam sid ntawd yog koj pom cov tsos mob ntawm cov carbon monoxide lom los yog hais tias koj lub tswb nrov.
- Hu rau 911, thiab nyob twj ywm sab nraud kom tau cua kom txog rau thaum paub tias koj rov qab mus tau rau hauv koj lub tsev yam tsis muaj kev phom sij dab tsi lawm. .

BUREAU OF ENVIRONMENTAL AND OCCUPATIONAL HEALTH

dhs.wisconsin.gov/environmental | AUGUST 2016 | dhsenvhealth@wi.gov

Department of Health Services | Division of Public Health | P-01569H (rev. 11/2017)

